



## KENYATAAN / SIARAN AKHBAR

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-8887 7347 Faks: 03-8881 1008

### **PERBADANAN PUTRAJAYA EDAR 10,000 BENDERA WILAYAH PERSEKUTUAN KEPADA KOMUNITI PUTRAJAYA**

**PUTRAJAYA, 25 Januari 2023** – Ketua Pengarah Jabatan Wilayah Persekutuan (JWP), YBhg. Datuk Seri Hajah Rosida Binti Jaafar menyempurnakan Majlis Penyerahan Bendera Wilayah Persekutuan dan Bantuan Kasih Putrajaya bertempat di Dewan Seri Siantan, Kompleks Perbadanan Putrajaya, Presint 3.

Turut hadir bersama adalah Presiden Perbadanan Putrajaya (PPj), YBhg Dato' TPr. Fadlun bin Mak Ujud dan Timbalan Ketua Pengarah Jabatan Wilayah Persekutuan, YBhg. Dato' Parang Abai @ Thomas.

Penyerahan bendera merupakan simbolik kepada Kempen Kibar Bendera Sambutan Hari Wilayah Persekutuan 2023 yang bakal diadakan pada bulan Februari. Program ini diadakan memupuk semangat patriotisme serta semangat kekitaan dalam kalangan warga Wilayah di samping menambah elemen keceriaan di jalan-jalan utama dan juga di kawasan sekitar kediaman komuniti Putrajaya.

Sebanyak 10,000 bendera Wilayah Persekutuan diedarkan kepada 60 Persatuan Penduduk, 54 Kawasan Rukun Tetangga dan juga 27 buah sekolah di Wilayah Persekutuan Putrajaya. Bersempena dengan sambutan Hari Wilayah Persekutuan, PPj juga akan memasang sejumlah 3,800 bendera di tiang-tiang lampu jalan-jalan protokol, sisir jalan, jalan tumpuan trafik, bangunan Kompleks PPj, kompleks-kompleks kejurangan, kompleks sukan di sekitar Putrajaya.

Majlis turut menyaksikan penyerahan sumbangan baucar berjumlah RM300 kepada 100 penerima yang terdiri daripada golongan asnaf dan B40 di Wilayah Persekutuan Putrajaya. Para penerima akan menerima bantuan berbentuk barangan keperluan dapur bernilai RM100 dan juga baucer bernilai RM 200. Penyerahan sumbangan ini

adalah selaras dengan fokus utama SHWP pada tahun ini serta aspirasi Jabatan Wilayah Persekutuan & Agensi mengutamakan kesejahteraan dan kebajikan rakyat yang merangkumi aspek ekonomi, kebajikan dan kelangsungan hidup warga Wilayah khususnya dalam mendepani cabaran ekonomi pada masa kini.

Sumbangan ini diharapkan dapat dimanfaatkan sebaik mungkin oleh para penerima dan sedikit sebanyak dapat membantu meringankan beban kewangan yang ditanggung.



(TPr. NORZITA BINTI ABDUL RAZAK)

Pengarah

**Bahagian Komunikasi Korporat**

b.p. Presiden Perbadanan Putrajaya

Tarikh: 25 Januari 2023

---

Sebarang pertanyaan atau maklumat lanjut mengenai Majlis Penyerahan Bendera Wilayah Persekutuan dan Bantuan Kasih Putrajaya, sila hubungi Pegawai Media, En. Mohamad Fitri Norsalim di talian 011-1068 8347.